



Prvi zamjenik visokog predstavnika Scanlan: Vrijeme je za progresivne programe

Prvi zamjenik visokog predstavnika i supervizor za Brčko, Michael Scanlan, završio je trodnevnu posjetu Banja Luci, tokom koje se sastao sa nizom zvaničnika sa državnog i entitetskog nivoa, uključujući i premijera RS, Radovana Viškovića, ministra unutrašnjih poslova RS, Dragana Lukača, i ministra energetike i rudarstva RS, Petra Đokića.

Također se sastao sa direktorom Uprave za indirektno oporezivanje BiH, Mirom Džakulom, gradonačelnikom Banja Luke, Igorom Radojičićem te počasnim predsjednikom PDP-a, Mladenom Ivanićem. Prvi zamjenik visokog predstavnika je iskoristio ovu priliku za razmjenu mišljenja o trenutnoj političkoj i ekonomskoj situaciji u Bosni i Hercegovini.

"Svi nivoi vlasti su ključni kako bi Bosna i Hercegovina ispunila težnje njenih građana ka stabilnosti, prosperitetu i integraciji u EU. Ako se sve strane suzdrže od negativne retorike, napredak je moguće postići uz politiku konsenzusa, fokusiranu na reforme koje su okrenute budućnosti. Iako se perspektive nekada razlikuju u zavisnosti od konteksta ili geografske lokacije, upravo te zajedničke težnje mogu i treba da vode sve političke strane ka boljoj komunikaciji i razumijevanju, u interesu izgradnje zajedničke budućnosti", rekao je prvi zamjenik visokog predstavnika Scanlan.